

Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

Quo dies primus et secundus continentur

Bolland, Johannes

Parisiis et Romæ, 1866

§. I. Notitia loci, ubi vixit, passaque ac culta fuit: memoria in Martyrologiis:
Vita edenda sublestæ fidei: quænam suadeant, illam sæculo VII floruisse.

[urn:nbn:de:hbz:466:1-73889](#)

DE S. OSITHA VEL OSGITHA VIRG. MART.

IN SUI NOMINIS OPPIDULO COMITATUS ESSEXIAE

IN GALLIA.

COMMENTARIUS PRÆVIUS.

§ I. Notitia loci, ubi vixit, passaque ac culta fuit : memoria in Martyrologiis : Vita edenda sublestæ fidei : quænam suadeant, illam sæculo VII floruisse.

FORTASSE
CIRCA FINEM
SAC. VII.
Sancta in
Chiche, Essexia
villa,
ecclesiam
habuit,

Ut loci notitiam, in quo hæc sancta, regiique, ut creditur, Virgo vixit, passaque atque ante Angliæ a Catholica fide defectionem præcipue culta fuit, lector habeat, huc transfero, quæ de eo Camenus in descriptione comitatus Essexiarum pag. 225 annotavit. Postquam ibidem egerat de Colonia, seu Colectria urbe, sic prosecutus est : Ubi Coln fluvius mari immiscetur, S. Ositha extat oppidulum, cuius antiquum nomen Cnic abolevit regia illa virgo Ositha, quæ tota Deo defixa, a Danicis piratis ibidem confossa, Sanctæ honores apud majores obtinuit; et in ejus memoriam ædem sacrum posuit Richardus, episcopus Londinensis, circa annum MCXX, quam canonis Regularibus implevit. Nunc vero sedes primaria est honoratissimorum dominorum Darcy, qui de Cnic dicti, quos ad amplissimam baronis dignitatem rex Eduardus sextus proxit. Hæc Camenus; quæ tamen non ita accipi velim, quasi nulla ex loci, in qua S. Ositha coleretur, ante Richardi, Londinensis episcopi, tempora existisset ecclesia; nam contrarium ex dicendis patescit.

a Richardo
episcopo ca-
nonicorum
Regularium
collegio au-
ctam,

2 Quid Richardus hac in re præstiterit, nar-rat etiam Guilielmus Malmesburiensis, saeculi XII scriptor, lib. i de Gestis Pontificum Anglorum in eodem Richardo; Cum Richardus, inquiens, successor ejus (Mauritii episcopi Londinensis) omnes redditus ad episcopatum pertinentes ædificationi basilice (S. Pauli, quam Mauritius Londini operat) transcripsisset, aliunde se suosque sustentans, proponendum nihil efficere (propter operis magnitudinem) visus est, totumque censum ad hoc bene prodigus exhauirobat, et parum in effectum prodibat. Quare impetus boni, quem in initio episcopatus habuit, cedentibus annis, desperatione lassescens paulatim elanguit. Locus est in diocesi Londoniensi apud Orientales Saxones, Cir * (in margine additur al. Cie) gentili vocabulo dictus, ubi est beatæ Osgithæ, in miraculis famosæ virginis, requies. Hunc vir ille terris aliquantis, et Regularibus implevit canonici; meditabaturque ipse, depositis olim involueris mundi, eo transire, praesertim longe paralysis tibi admonitus, si non aegrum illecebrisimum potestatis consuetudo retraheret. Hujus loci fuit primus Prior Willielmus de Corbuil, qui, defuncto Radulpho Cantuariae ar-

chiepiscopo, in illum honorem evectus est. Non igitur Richardus primam S. Osithæ Chichensem sacram ædem posuit, sed in canonicorum Regulæ collegium convertit, dotavitque, ac fortasse reparavit.

3 De eodem loco agunt Rogerius Dodsworth et de cuius fun-Guilielmus Dugdale tom. II Monastici Anglicani datione pag. 182, ubi aliquot donationum eidem factarum chartas recitant, in quarum prima vocatur Ecclesia beatorum apostolorum Petri et Pauli, et sanctæ Osithæ, virginis et martyris; in se- cunda et tertia Ecclesia sanctæ Osithæ et Osi- thæ de Chich, ac in omnibus tribus de canonicis ibi degentibus expressa fit mentio. Sequitur ibi- dem Carta regis Henrici secundi, donatorum concessionis, atque inter hasce Richardi, recitan- tis et confirmans; verum hæc ibi perperam data legitur anno ejusdem Henrici quinquagesimo tertio, cum ille anno regni sui 53, Christi 1189 obierit. In ea charta ait, se confirmasse in perpetuam eleemosinam Deo et ecclesiæ S. Osithæ de Chiche, et canoniciis ibidem Deo servientibus et servitibus, totum manerium de Chiche, in quo situm est monasterium sanctæ Osithæ virginis et martyris, liberum et quietum ab omni terreno servicio et seculari exactione, quod manerium habent ex dono et confirmatione Ricardi Londonensis episcopi cum omnibus pertinentiis et libertatibus, quas episcopi Londonensis ecclesia habuerunt in eodem manerio, dum esset in eorundem dominio etc. Ceterum locus iste ibidem abbatis vocatur.

4 Subditur denique charta Joannis Angliae nonnulla an-regis, qua ejusdem loci advocationem, ut vocant, notantur; Londinensis episcopis concessit. Hanc, quia brevis est, hic adscribo. Joannes, Dei gratia rex Angliae etc. Sciat, nos intuitu Dei, et ob reverentiam beati Pauli dedisse, concessisse, et hac carta nostra confirmasse Deo et ecclesiæ S. Pauli London. et venerabili patri nostro, domino Will. London. episcopo et successori- bus suis advocationem abbatis S. Osithæ de Chiche, et totum jus, quod in ea habuimus, tam in custodia ejusdem abbatie vacantis, quam in electione ejusdem abbatis, cum omnibus libertatibus et liberis consuetudinibus ad hujusmodi advocationem pertinentibus. Quare volumus, etc. Dat. per manum Hugonis de Welles archidiaconi Wellensis, apud Eboracum xii die Febr. anni regni nostri septimo, id est, Christi 1206.

A 1206. *Idem Monastici Anglicani scriptores loco citato ex Lelandi Itinerario addunt : Velatarum virginum, aut alia Religiosorum domus, ut fertur, fuit, ubi hodie rectoris mansio, et testimonium extat authenticum, domum hanc Ordinis fuisse Maturinorum, alias Fratrum Ordinis S. Trinitatis.*

nunc superest eodem loco ab eadem dictum oppidum.

3 Velatarum virginum illa fuerit a tempore S. Osithae, canonicorum Regularium a fundatione, ut vidimus, Richardi episcopi Londinensis saeculo XII; sed an, et a quo tempore fuerit Fratrum sanctissimae Trinitatis, nusquam alibi legi. Ceterum hoc canonicorum Regularium monasterium, ex quo tempore (sub Henrico VIII Angliae rege) dissipatum ac demolitum est, annuum censum numeravit 758 libras Anglicanas, solidos 8, et octo denarios, inquit Godwinus supra laudatus; consonantque ejus temporis catalogus Religiosarum adiunctum apud Nicolaum Harpsfeldium ad calcem Historiae Anglicanae ecclesiasticæ editus, in quo tunc dicitur fusio canoniconum nigri habitus, titulo S. Petri et S. Osithae, fundatum anno MCXX. Richardo episcopo Londinensi. In secularium nobilium manus deinde locus iste transiit, ut ex Camdeno supra diximus, nuncque oppidulum superest, solo nomine, quo etiam in Mappis geographicis notum est, antiqui S. Osithae in cultus, veterumque Anglorum religionis et in Sanctos pietatis memoriam servans. Ad martyrologos progrediamur.

Memoratur illa in variis Martyrologiis mensibus Iunii et Octobri,

6 Huic sanctæ Virgini Petrus Galesinius in suo Romana Ecclesiæ Martyrologio ad hunc diem locum dederat his verbis : In Anglia, sanctæ Osithæ, virginis et martyris; at Cardinalis Baronius, quamquam illius martyrium in Annali bus Ecclesiasticis ad annum 655 ex Vita edenda honorifice memoret, in suo tamen Romano Martyrologio eam non reposuit, in quo nec hactenus illa comparet. Verum in aliis hujusmodi sacris Fastis minime ignota est; nec ad unum solum diem ejusdem exstat memoria. Inter Auctaria Usuardina apud Sollerium nostrum eam ad diem 5 Junii breviter sic signat codex Bruxellensis, in Anglia olim auctus : Item S. Osithæ (Lege Osithæ) virginis : Altempsianus ibidem pariter vitiœ : Eodem die, sancta Esithæ virginis. Nomen rectius, sed postridie, seu die 4 Junii, expressit Grevenus, additis etiam virginitali palma martyrii et genere regio, Osithæ, inquiens, virginis et martyris, filie regis Orientalium Saxonum. Is ipse eandem brevius repetit ad 3 Octobris hoc modo : Osytha virginis et martyris. Vide Prætermisso in Opere nostro ad dictos dies, unde ad hunc 7 Octobris ejusdem Acta merito dilata fuere.

ac maxime hodie;

7 Certe hoc die illam repeatunt, quos mox laudavi, Usuardinus codex Altempsianus et Grevenus, quorum prior ex ejusdem Vita sic habet : Apud Orientales Saxoness passio sanctæ Osithæ, virginis et martyris; cuius caput a Danis executum ipsa Martyr illud assumpsit, ac de loco in locum portavit : alter autem solum hæc : Ipsodie, Osgida virginis. Accedunt Usuardina editio Lubco-Coloniensis, nostrumque Ms. Florarium Sanctorum, per paucis annis ante hanc editionem exaratum, in quibus illa Osgida etiam appellatur. Prætereo Wilsonum in Martyrologio Anglicano, Ferrarium in Catalogo Generali Sanctorum, quorum nomina non leguntur in Martyrologio Romano, aliosque, uti et Benedictinos, Dorgainum, Wionium, Menardum, Bucelinum et Mai-

hewum, eamdem sanctam Virginem, velut sui Ordinis abbatissam hoc ipso die annuntiantes, Mabillonio multo rectius eam ne inter Prætermisso quidem Sanctos Beatosque Benedictinos recensente.

8 Addo tamen annuntiationem Castellani in Martyrologio Universalis, additionemque, quam in ea faciendam postea recte monuit. Verba ex Gallicis Latina accipe. In Anglia, S. Osgitha (sic in margine legitur Latine; nam Gallice habetur Osithe) virgo, Pendae Merciorum regis neptis, instructa apud S. Modovenam, martyrio coronata a Normannis idolatria, e Dania appulsa. Ejus corpus postmodum pretiosa impositum theca fuit a Mauricio episcopo Londinensi. Hec ibi, sed pag. 984 inter addenda corrigendaque ad accuratiorem martyrii ac veteris cultus illius loci notitiam, pro verbis in Anglia substitui jussit ista : Chichas (Gallice A Chich) in Essexia, Angliae provincia. Porro quæ impulerit martyrologos ratio, ut Ositham ad prædictos varios dies referrent, compertum non habeo, nam in Vita quidem edenda nec dies martyrii ejusdem memoratur, quod solum mense Octobri contigisse in ea legitur.

9 Eam Vitam Joannes Capgraveus saeculo XV inseruit suæ sanctorum Angliae Legendæ, quam Londinensis typis anno 1516 vulgatam habemus. Est tamen illa Capgravio antiquior, si hic illam, uti Usserius in Antiquitatibus Britanicarum ecclesiistarum pag. 706, aliqui affirmarunt, descripsit ex Sanctilogio Joannis Tinemuthensis, qui apud Joannem Pitseum in Scriptoribus Angliae anno 1566 claruisse legitur. Eamdem, quam Capgraveus, etiam Laurentius Surius, ex quo nescio codice, ad hodiernum Octobris diem recensuit cum hoc titulo seu monito : Vita S. Osithæ, virginis et martyris, cuius author nomen non habet in Ms. codice; sed est tamen fide digna; potuque, esse ejus epitomen, quam scripsit Albericus Veeru Regularis. Scriptam ab hoc hujus Sanctæ Vitam etiam laudavit Thomas Sirinus in Ms. posthumo, quo Pinus noster usus est ad diem 3 Julii in Commentario critico de S. Monduenna § 1, num. 6 et sequentibus; quæ vero ex ista ibi memor Sirinus, tam recte convenient cum Capgraviana Surianaque editionibus, ut hæc vel istius compendium, vel ipsa Veeri lucubratio possint videri.

*Vita illius,
sive Tinemuthensem, sive
Veerum,*

*saeculo xiii
ejusdem ecclæ-
sie canonici-
cum Regula-
rem,*

scum, ex quo sequentia excerpti. Albericus Veeru, natione Anglo, ex illustrissimis simulque antiquissimis Oxoniensium et Clarentium comitum familiis natus, apud domesticos præceptores in Bonaclea villa Trenovantum, teste Lelando, privatum diu studuit. Locus iste ad littus Chiense non longe a fano S. Osithæ positus est.... Tandem Regulam S. Augustini ibidem secutus in societatem canonicorum Regularium admisitus est... scripsit... Antiquates sui coenobii, librum unum. De vita S. Osithæ virginis librum unum... Claruit anno Salutiferae Reparationis mccc. Si hæc vera sint, potuit Albericus, velut loci, vita, martyrio cultuque S. Osithæ celebris, religiosus incola, et ætate quoque Joanne Tinemuthensi potior, in ejus sanctæ Virginis gesta studiosius feliciusque inquisivisse. Potuit etiam ejusdem lucubratio Joanni Tinemuthensi præluxisse, atque hinc factum esse, ut Sirinus eadem ex Veero retulerit, quæ apud Capgravium Suriumque leguntur.

11 Interim

AUCTORE
C. S.

E

F

AUCTORE
C. S.
sive aliquem
hunc paulo
antiquorem
scriptorem
habeat.

11 Interim certum est, Vitam, quam habemus, non esse saeculo undecimo exente, vel in eunte duodecimo antiquorem, cum in ea mentis sit de S. Osithae corpore pretiosior theca donato per Mauritium Londinensem episcopum, cuius sedis initium anno 1087, finem 1107 Godwinus affigit in Commentario de Præsulibus Anglie. Quo tamen minus audeam illam Veero adscribere, moveat me, quod in eadem nihil legitur de fundato ad S. Osithae ecclesiam per Richardum, predicti Mauritiū proximum successorem, canoniconum Regularium canobio, quod quidem a Veero, ut pote ejusdem canobii religioso alumno, non videatur prætermittendum fuisse. Exstutisse nihilominus illud biographi tempore, colligi utcumque potest ex eadem Vita. num. 10. Quapropter potest illius auctor omnino a Veero diversus esse, longeque serius scripsisse. At denus paulisper, Veeri illam factum esse; vel sic ab ejusdem sanctæ Virginis ætate longius abfuerit, quam ut ab antiquitate pretium possit haberet; maxime si ipsa saeculo vii, ut in eadem Vita dicitur, martyrio corona fuerit.

subiecta fidei
est. Sancte
avis Penda,

12 Ut ut hæc se habeant, non possum equidem eam eidem fidem, qua Surius dignam censuit, universim tribuere, tum quod temporis ratio in illa vacillat, tum quod quedam dubia et obscura, quedam etiam fabulosa vel fabulis similia continet, quæ ut certam fidem faciant, antiquorem certioremeque scriptorem requirunt. Quod ad rationem temporis attinet, ex ea dubitari potest, sitne S. Ositha ad saeculum vii, an ad ix, aut etiam x referenda. Pro saeculo vii, cuius anno quinquagesimo tertio martyrium passa in eadem legitur, faciunt præcipue personæ, in ea memoratae. Ositha quippe Pendæ Merciorum regis ex filia Wilteburga, generoque Frithevaldo rege, neptis fuisse ibidem dicitur, quorum Pendam anno 633 in conflictu adversus Osuium Nordanhybrorum Christianum regem occubuisse, constat ex Beda Historiæ Ecclesiasticæ gentis Anglorum lib. v. cap. 23. Ac nulla quidem inter Pendæ liberos Wilteburga alibi occurrit; sed hinc inficiari non licet, certo nullam fuisse.

Frithewaldus
pater. Sigerus
sponsus,

13 Frithewaldus, sanctæ Virginis pater, is esse creditur, quem Florentius Wigorniensis in Chronico ad annum 673 Frithewoldum subregulum appellat, et cuius ope S. Ercanwaldum, ante aditum episcopatum Londinensem, in suo Cortesie monasterio fundando adjutum scribit, consentiente Gulielmo Malmesburiensi in Episcopis Londinensis, adenteque, eumdem subregulum egisse sub Wlferio, nimis merciorum regem, quem post septendecim annorum regnum anno 673 defunctum tradit Beda lib. v. cap. 23. Eodem saeculo vii floruisse Sigerum, seu Sigherum, Orientalium Saxonum regem, cui S. Ositha et parentum suorum imperio, eodem biographo teste, nupta fuit, etiam discimus ex Beda lib. iii, cap. 50, ubi refert, ipsum tempore pestilentiae anno 664 a Christianis sacris, quæ ante amplexus fuerat, cum sui populi parte ad idola relapsum, nec multo post Jarumani episcopi opera ad desertam religionem feliciter fuisse reductum.

Alfridus rex
et episcopi in
ea nominati
saeculo vii
floruerunt,

14 Ex ejusdem biographi fide Ositha quamdam sub S. Modwenna magistram habuit, nomine Editham, sororem regis Alfridi, cuius nominis duos, supra dicti Osuii Nordanhybrorum regis filios producit Henschenius noster ad 6 Martii in Commentario historico de SS. Kineburga et Ki-

neswitha § 1; alterum scilicet Alfridum, senio- D rem ex legitimo conjugio natum, qui in parte regni à patre accepta regnans ante annum 666 obierit; alterum Alfridum juniores nothumque, qui post legitimos ejusdem Osuii filios paternum regnum tandem anno 683 obtinuerit, annoque 703, ut habet Beda lib. v. cap. 23, defunctus sit. Alterutrius igitur Alfridi soror, sive legitima sive notha saeculo vii fuisse potuit Editha a biographo memorata. Verumtamen de Editha hac atque utriusque abbatissa Modwenna peculiaris sermo infra recurreat. Ad saeculum vii pariter pertinent Eccæ et Bedwinæ, Bisio episcopo vivo quidem, sed gravissima infirmitate ab administrando episcopatu prohibito, ut habet Beda lib. iv. cap. 5, Orientalium Anglorum episcopi ordinati, a quibus S. Ositha Deo velata fuisse in eadem Vita asseritur.

15 Atque hæc quidem omnia conspirant, ut sed cum ho- Ositham saeculo vii floruisse, biographo credamus, non tamen æque conciliari possunt cum tem- rum aliquot non congruit annus Sanctæ emortualis, E pore ejusdem Sanctæ martyrii, quod ille ibidem anno Domini sexcentesimo quinquagesimo ter- tio diligavit. Beda enim ultimo loco citatus or- dinatione Eccæ et Bedwini, seu, ut ipse eos ibi vocat, Acci et Badvai, præmisit synodum in Heruſord anno 675 celebratam, eique prædictum Bisium adhuc interfuisse, observavit: unde re- rum Anglicanarum scriptores merito statuant, laudatos Eccam et Bedwinum saltem non ante annum 675 episcopos ordinatos esse. Quomodo igitur idem episcopali ordine jam initiati Ositham Deo Virginem consecrare poterunt, si hæc jam ab anno 633 martyrio coronata sit? Multo igitur serius collocanda est sacræ Virginis cedes, aut agnoscendus biographi in assignandis ejusdem consecratorum nominibus error, qui in his minus verisimiliter cubat, quam in anno 633, utope qui fortasse ex solo describentis oscitantis vitiosus est, et ceteræ narrationi etiam minus congruit.

16 Etenim, ut duo laudati antistites certo serius, quam anno 633, ordinati fuisse, ita Si- gherus, Ositha, antequam velata fuit, sponsus suum apud Orientales Saxonum sub Vulthero regnum serius auspiciatus est, cum teste Beda lib. iii cap. 24, Vultherus ipsis non ante annum 639 a suis adversus Osuium, Nordanhybrorum regem, rebellantibus, ad Merciorum regnum ecclias sit, ejectis inde principibus, quos Osuius eis præficerat. Nec obstant, imo favent etiam alia, ut Osithæ martyrium multis annis post annum 633 ponatur: tanto enim facilius videri illa potest Pendæ anno 633 interfecti, neptis fuisse ex Wilteburga filia, et Frithevaldo, seu Frithewoldo, de quo Wigorniensis ad annum 675 meminuit. His de causis Bollandus noster tomo I Februarii in S. Brigidæ Thaumaturga censuit, S. Ositham primo circa annum 675 Sighero desponsatam, deinde vero ab Eccæ et Bedwino episcopis sacro virginitatis velo amictam esse. At quanto tem- pore post hæc vixerit, quis divinet? Nam ipse Danorum, a quibus illa cœsa dicitur, in Angliam appulsus aliunde ignotus est, nec difficultate ca- ret, ut infra videbimus.

qui certe se-
rius, quam
anno 633 sta-
tundus est.